



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 66. Cranmerus ejurati erroris pœnitentia ductus: ejus Supplicium.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

bus requiri, ut hæresiarcha, qui univ-  
 sam Angliam suæ doctrinæ veneno in-  
 fecerat, promeritas lueret pœnas, nec  
 in hæreticorum antesignano attendenda  
 esset errorum revocatio, ob quam alii  
 forte hæretici a supplicio liberari pos-  
 sent, præcipue cum alia ex ratione ad-  
 huc hujus Præfulis conversio sua haud  
 careret utilitate, eoquod præter pro-  
 priæ salutis spem etiam populi offensio-  
 nem tolleret.

## §. LXVI.

*Cranmerus ejurati erroris pœnitentia  
 ductus: ejus supplicium.*

Itaque mortis sententia in eum decer-  
 nitur, necnon illius diploma jubente  
 Cancellario Heatho die vigesima quar-  
 ta Februarii conficitur, illudque unacum  
 Reginæ mandatis eidem Cancellario  
 injunctis ad acta refertur: Cum ergo  
 Cranmerus se morti adjudicatum in-  
 telligeret, ac veniæ spem superesse cre-  
 deret, si diutius sese Catholicum finge-  
 ret, hinc rursus suæ ejurationi subscri-  
 bebat: cum vero id non nisi dolose  
 ageret, clam in alia charta, quid vere,  
 & re ipsa in animo sentiret, descripsit,  
 nomenque suum apposuit, ut ad suppli-  
 cii locum raptus in extremo vitæ suæ  
 momento hac Scriptura opportune uti  
 valeret: ex hoc constat, quod Catholi-

Sæcul. XVI.  
 A.C. 1556.

Burnet. l. c.

Sæcul. XVI.  
A.C. 1556.

cum se simularet, ut vitæ suæ consuleret, cum tamen Protestantium erroribus immori studeret, ut eos, qui eidem vitæ gratiam denegabant, affligeret; quippe inanis erat illius nova fidei Catholicæ professio; cum enim abjecta veniæ spe morti adjudicatus & ad Ecclesiæ S. Mariæ forum, quod pro supplicii loco destinabatur, abductus conscenderet ferale pegma, quod altius erigebatur, ut a confluyente populo eo facilius conspici posset, mox Coleus Ætoniani Collegii Præpositus orationem ad populum habebat, in cuius fine sermone ad Cranmerum converso eundem, quod errores suos revocasset, dilaudabat pollicitus, quod ipse vitam æternam esset consecuturus: insuper eidem fidem faciebat, quod in omnibus Oxoniensis Provinciæ Ecclesiis pro ejus anima Deus enixe exorandus, Missæque sacrificia celebranda forent. His dictis Cranmerum hortabatur, ut rursus fidem suam testatam faceret. Ast ille summopere indignatus, quod dolosa Catholicæ Religionis simulatio eum a morte liberare haud potuerit, oratione ad populum habita adstantes hortabatur, ut spretis rebus terrenis Regi, ac Reginæ obedientiam præstarent, ac juxta fraternæ charitatis præcepta societate mutua uterentur. Postea recitato Apostolorum symbolo

bolo conscientiam suam anxiiis curis a-  
 gitari afferebat, eo quod non sine verita-  
 tis præjudicio doctrinam suam revo-  
 casset, mortisque metu, ac vitæ suæ a-  
 more sese expugnari passus fuisset, qui-  
 nimo palam profitebatur, quod præ-  
 primis, quam primum ad rogum duce-  
 retur, eandem dexteram, qua Catholi-  
 cæ doctrinæ subscripsisset, comburen-  
 dam protendere vellet: demum contu-  
 meliose Pontificis auctoritatem rejice-  
 re, eundem veluti Antichristum, & Sal-  
 vatoris nostri hostem convitari haud e-  
 rubescebat. Verum haud ultra auditus  
 exprobrata eidem animi sui levitate  
 ad rogum deducitur, ubi ignem ap-  
 plicari cognoscens mox dexteram lon-  
 gissime protensam in flammam conjecit,  
 quin eam retraheret, usque dum in ci-  
 neres fuisset redacta, quamvis nondum  
 flamma reliquum corpus attigisset (\*)  
 postmodum pectus suam manu sinistra  
 tundere adhuc conspiciebatur. Hic  
 denique deplorandus fuit hujus miseri  
 exitus, qui die vigesima prima Martii  
 Anno post Christum natum millesimo  
 quin-

Sæc. XVI.  
 A.C. 1556.

(\*) Ita rem veluti miraculum narrat  
 mendax Burnetus, cujus tamen fabulæ ne-  
 ipsos quidem coævus hæreticorum Scriptores  
 tanquam testes, allegare potuit.

Sæcul. XVI. quingentesimo quinquagesimo sexto, æ-  
A. C. 1556. tatis suæ sexagesimo septimo infelicem  
 animam suam exhalavit.

§. LXVII.

*Condemnatio, ac obitus aliorum  
 hæreticorum.*

*Thuan. l. 17.* Præter Cranmerum extremo supplicio  
 sublatum, adhuc alii Hæretici in  
 Anglia fuere castigati, quos inter præ-  
 primis erant Joannes Thomas Wirthle  
 Sacerdos, quidam Nobilis nomine Bert-  
 letus Green, tres opifices, ac duæ mu-  
 lieres, quæ cum ceteris Smithfieldæ in  
 publico Londinensi foro combusti fuere.  
 Paulopost eodem supplicio affectus est  
 Cantuariæ quidam juvenis unacum qua-  
 tuor fœminis: Mense autem Aprili pa-  
 riter duæ Mulieres Gippevici crema-  
 bantur, & Sarisberii itidem tres ar-  
 tifices, ac Rossæ alii flammis combusti  
 perierunt. Denique Bonnerus sex alios  
 Opifices capi jusserat, quos habita quæ-  
 stione hæresi infectos cognoverat, qua-  
 propter eis usque ad vesperam delibe-  
 randi spatium indulgit, an suos errores  
 abjurare, vel potius inter flammam vi-  
 tam finire vellent: qui cum rogi suppli-  
 cium seligerent, in Clocestriensi etiam  
 urbe puniti fuere. Refert Burnetus,  
 quod in Insula Garnsejensi quædam mu-  
 lier capitali sententia plexa fuerit una-  
 cum